

LABORATORIU DI GADDURESU

STORIA DI LA

SALDIGNA



Burgos,
(1134)



LA CIVILTÀ NURAGICA

Chista civiltà antica abbeddu chi pupulesi l'isula da lu seculu di XVIII prima di Cristu stesi unu di li pochi populi illa storia dattu di duminalla in dugna palti e locu, da li custeri a li lochi più a drentu, mali a intravvi.

Di chista civiltà paldata chi campesi da l'Età di lu Bronzu a oggji, so filmati chisti fraichi manni e maistosi a monti manni: LI NARACHI cu' li so' 'iddi intundu.

In tutta l'Isula so signalati più di 7000 narachi. La 'ita di la 'idda nuragica aia com'e suprastanti la passona di lu re o capu-tribù.



- NARACU
- FRAICHI MANNI E
MAISTOSI
- VIDDI INTUNDU.



Lu naracu era la fultesa, lu casteddu, lu sittu da undi figgjulà e galdassi di dugna tribù. Di chista civiltai so filmati ancora lochi di fidi 'mpultanti comu li puzzi sacri e li tumbi munumentali, cjamati in gadduresu TUMBI DI LI MANNI o DI LI PALADINI (Tombe dei Giganti).

Un assentu a banda ani invecchi li tantu mintuati (DOMUS DE JANAS)" letteralmente "CASI DI LI FATI", tumbi pa' più gjenti sfussati illa rocca garrighi di pinturi cun divinitai di l'etai prenuragica; ancor'iddi abbeddu di nummaru e in tuttu lu tarritoriu isulanu.

- CASA DI LI FATI
- TUMBA DI LI MANNI O DI LI PALADINI



LI FENICI

(IX - III secculu primma di Cristu)

La pusizioni di mezu di l'Isula veldi lu mari mediterraneu la fesi stà sempri in mezu a gherri crudeli tra li poppuli chi vuliani duminà. Chistu proppiu vista la pusizioni strategica sia militari chi di pa' li malcanzii.

La Saldigna appiù éra una tarra pussidenti abbeddu di ricchesi ambientali comu l'ossidiana e li buschi manni.



- MARI MEDITERRANEU
- PUSIZIONI STRATEGICA
- RICCHESI



Li primmi cunchisti in tarra salda li fesini li Fenici a paltì da lu secculu VIII primma di Cristu.

Tocca dà vantu a iddi pa' la fundazioni di diffarenti citai commerciali comu Casteddu d'abali, Sant'Antiocu, Tharros e Bosa.

La cultura fenicia aisi una 'mpultanzia di pruvvettu chi ancora oggi lassa li so' antichi tratti illi trabaddi altigiani saldi tantu mintuati, da chissi di l'orafi, a chissi di cicciu, a li trabaddi innantu a li stoffi.



- TRABADDI
ALTIGIANI
- CICCIU
- STOFFI

LI ROMANI


(238 primma di Cristu – 456 dapoi di Cristu)

Cu' la cunchista di l'isula da palti di li romani si signa la sparizioni in tuttu di la civiltai nuragica e un turrà a impustà tuttu li tarritoriu di la Saldìgna.

L'occupazioni romana no stesi celtu in paci.

Una di li battaddi più mali cumbinesi illa piana di Sanluri candu lu cumandanti saldu Amsicora, (di l'aristocrazia saldu/punica) fulmesi un eselcitu ribeddu e tintesi di filmà l'avanzamentu di li suldati romani.

- CUNCHISTA
- BATTADDI
- SULDATI RIBEDDI



Lu bilanciu era malu solu: murisini 30.000 saldi e ni punisini 1.300 in prigioni.

Da lu 238 a.C. cumincesi sott'a li Romani un tempu di bundanzia ecunomica manna.

Ancora oggji s'agattani "l'opari manni" chi punisi a puntu l'Imperu Romanu, citai come Nora, umbè di ponti, viadotti e palazzi pa' la 'jenti come l'anfiteatru romanu di Casteddu e li termi.

- PRISGIONI
- L'OPARI MANNI
- PALAZZI
- L'ANFITIATRU
- TERMI




LI GJUDICATI

(1000 - 1420)

Dapoi di l'epuca Romana l'isula felma sott'a lu cumandu di lu 'mperu di Lianti. Datu chi la tarra era allonga abbeddu da Bisanziu e v'aia umbè d'invasioni di li balbari, appustesini di dividì l'isula in Gjudicati pa' stà più siguri e galdà più bè li tarritorii.

Li Gjudicati erani propriu regni a contu soju cu' a capu lu Gjudichi (Judex) o lu Re cu' una dinastia e una puglienìa soja.

CALARIS TORRES ARBAREE GALLURA



- LU GJUDICATU
- GJUDICHI (JUDEX)
- DINASTIA E PUGLIENIA.

Lu Gjudicatu più longu era chissu d'Alburea.

Ancora oggji s'ammenta la passona tantu mintuata di Lianura D'Alburea chi cumandesi che reggenti lu notitu gjudicatu.

Ammintemu puru chi v'erani sempri più stabbili li repubblichì di Pisa e Genova, chi trafficaani abbeddu cu' lu cummelciu e dugna tantu v'aia brei cu' li chi cumandaani illu locu.

Proppiu pal chissu muttiu cumprisini li tre Gjudicati (Calaris, Torres e Gallura) ch'andesini cussì a li signori pisani e genovesi.

- GJUDICATU
D'ALBUREA.
- BREI



DA LU MEDIOEVU A LU SECCULU XIX

La dì 19 di Lampata di lu 1324 nascisi lu “Regnu di Saldigna”.

L'annu primma Alfonso d'Aragona sbalchesi in Saldigna e cumincesi la so' cunchista.

Sutt'a lu duminiu aragonesu caschesini Vidda di Gjesgia (Iglesias) e illu 1326 lu casteddu di Cagliari.

- CUNCHISTA
- REGNU DI SALDIGNA
- DUMINIU
ARAGONESU



Li Pisani paldisini lu duminiu soju e puru lu Gjudicatu d'Alburea s'arrindisi a la cunchista spagnola.

La duminazioni spagnola duresi finz'a lu secculu XVIII, candu l'isula passesi a pocu a pocu a li Savoia e fendi nascì cussì lu "Regnu Saldu Piemontesu".

Arà a sighì un epuca di sfruttamentu di la tarra salda e di li be' di la gjenti. S'arriesi cussì a la tantu mintuata dí 28 d'Abbrili di lu 1794, cunnotta com'e "Sa Die de s'Aciapa" (La Ciurrata di la Bucata) undi li Saldi desini la caccia a tutticanti li funzionari Piemontesi in Saldigna..

La Rivoluzioni Salda no arà a pultà a una situazioni di libbarazioni cumpleta di lu populu saldu.

Lu "Regnu Saldu Piemontesu" dapoi diventarà lu Regnu d'Italia, illu 1861.



- DUMINAZIONI
- REGNU SALDU
PIEMONTESU

TEST D'ATTIBBIMENTU

**SIZIONI A – SCIUARIGGJA LA RISPOSTA GJUSTA
SIGNA LA RISPOSTA GJUSTA TRA LI CATTRU SCIOARI PRUPPOSTI.**

1. CANDI INCUMENCESI A POPULASSI LA SALDIGNA CU' LI POPULI NURAGICHI?

- A. DA LU SECCULU XV PRIMMA DI CRISTU
- B. DA LU SECCULU XVIII PRIMMA DI CRISTU
- C. DA LU SECCULU X PRIMMA DI CRISTU
- D. DA LU SECCULU VIII PRIMMA DI CRISTU



2. CANTU NARACHI SO SIGNALATI IN TUTTA L'ISULA?

- A. PIÙ DI 3.000
- B. PIÙ DI 5.000
- C. PIÙ DI 7.000
- D. PIÙ DI 10.000

3. CAL'ERA LA PASSONA PIÙ IMPULTANTI ILLA SOCETAI NURAGICA?

- A. LU SULDATU
- B. LU MALCANTI
- C. LU RE O CAPU-TRIBÙ
- D. LU MASSAJU

4. COSA SO LI DOMUS DE JANAS?

- A. TEMPLI DI FIDI NURAGICI
- B. TUMBI MUNUMENTALI DI L'ETAI NURAGICA
- C. TUMBI CUMUNI SCAATI ILLA ROCCA DI L'ETAI PRENURAGICA
- D. PUZZI SACRI PA' LI RITI RILIGGJOSI

6. IN CHI LOCU CUMBINESI UNA DI LI BATTADDI PIÙ DURI TRA ROMANI E SALDI?

- A. IN CAGLIARI
- B. IN THARROS
- C. ILLA PIANA DI SANLURI
- D. IN NORA

7. PALCHÌ NASCISI LU SISTEMA DI LI GJUDICATI?

- A. PA' GALDÀ MEDDU LI TARRITORII LUNTANI DA BISANZIU E DIFINDISSI DA L' INVASIONI
- B. PA' FAURÌ LU CUMMELCIU CU' LI GENOVESI
- C. PALCHÌ L'IMPERU ROMANU L'IMPUNISI
- D. PA' FÀ CUMPRÌ LA DUMINAZIONI FENICIA

8. SCRII LU NOMMU DI LI CATTRU GJUDICATI DI SALDIGNA.



8. CANTU DURA LA DUMINAZIONI SPAGNOLA IN SALDIGNA?

- A. FINZ'A LU SECCULU XVI
- B. FINZ'A LU SECCULU XVII
- C. FINZ'A LU SECCULU XVIII
- D. FINZ'A LU SECCULU XIX

8. CA PIDDÉSI A DUMINÀ LA SALDIGNA POI DI LI SPAGNOLI?

- A. LI SICILIANI
- B. LI PIEMONTESI
- C. LI SAVOJA
- D. LI SALDI

8. CALI DI CHISTA FRASI È VERA?

- A. LA RIVOLUZIONI SALDA PULTESI A LA LIBBARAZIONI DI LI SALDI
- B. LI PIEMONTESI DIZIDISINI D'ABBASSÀ LI TASSI IN SALDIGNA
- C. LI SALDI 'ULIANI LU SISTEMA FEUDALI
- D. LI SALDI NO SI LIBARESINI DI LU TUTTU CU' LA RIVOLUZIONI SALDA



1. Li Fenici 'esini una 'mpultanzia di pruvettu pa' l'altiggjanatu saldu.	Veru	Falsu
2. Lu Gjudicatu più longu era chissu di Gallura.	Veru	Falsu
3. Lianura d'Arburea guvilnesi comu reggenti lu Gjudicatu d'Alburea.	Veru	Falsu
4. Li Romani cunchistesini Saldigna senza agattà resistenza.	Veru	Falsu

RISPOSTI GJUSTI – SIZONI A E B (PA' L'INSIGNANTI)

A1 B – DA LU SECCULU XVIII PRIMMA DI CRISTU

A2 C – PIÙ DI 7.000

A3 C – LU RE O CAPU-TRIBÙ

A4 C – TUMBI CUMUNI SCAATI ILLA ROCCA DI L'ETAI PRENURAGICA

A5 B – LI FENICI

A6 C – ILLA PIANA DI SANLURI

A7 A – PA' GALDÀ LI LI TARRITORII LUNTANI DA BISANZIU E DIFINDISSI
DA L' INVASIONI

A8 C – FINZ'A LU SECCULU XVIII

B1 VERU

B2 FALSU – LU PIÙ LONGU ERA CHISSU D'ALBUREA

B3 VERU

B4 FALSU – V'AIA RESISTENZIA MANNA

B5 VERU